

永樂大典

一六

卷〇三二七 瀘字

卷〇三二八 瀘字

卷〇三二九 奴字

卷〇三三七 奴字

永樂大典卷之二千二百十八 六模

瀘

田糧

本州圖經志瀘州并三縣 官民田地塘八千七百五十三頃九十五畝

四分二釐五毫。夏稅 小麥九百五十二石九斗九升九合二勺九抄。

絲八千四百六十二斤一十兩三錢八分六釐。秋糧 米六萬三千

六百四十八石四斗七升四合九勺三抄五撮。綿花三千三百九十五

斤五兩六錢。麻六千七百四十斤七兩二錢。藍靛二百五十斤四兩。

本州田二十九萬一千八百六十二畝六分正耗米二萬四千四百三十

三石有零。官民田地塘六千四百七十二頃七十七畝五分五釐。夏

稅 小麥四百五十九石一斗七合一勺。絲六千四百二十二斤四兩

七錢五分。秋糧 米四萬七千五百三十三石五斗三升二合一勺九

抄。綿花二千六百五十四斤七兩二錢。麻五千三百五斤七兩二錢。

藍靛二百三十斤。

江安縣圖經志軍民田四萬三千一百四十畝六分九釐二毫七絲五忽
該糧三千三百三十二石八斗九升八合六勺三抄九撮九圭七粒五粟
民地一千零九畝二分四釐麥五十三石九斗九升四合三勺四抄永
樂官民田地塘一千三百二十一項九十三畝九分七釐五毫夏稅
小麥三百九十一石三斗八升一合四抄絲一千二百二十一斤一十
一兩六錢五分六釐秋糧米九千六十七石八勺四抄五撮綿花
四百六十七斤一十一兩六錢片麻九百三十五斤七兩二錢藍靛
二十斤四兩

納溪縣圖經志前代則無額數今入籍軍民等由四千九百零六畝六分
五釐該糧四百零五石九斗四升四合有零絲四百九十兩陸錢有零陸
地一百八十四畝六分四釐今該夏麥一十石八斗六升今永樂官民
田地塘二百四十九項五畝七分夏稅小麥二十五石七斗三升二
合五勺五抄絲二百六斤三錢六分秋糧米一千七百三十七石
二斗五升九合六勺六抄綿花八十一斤五兩六錢片麻一百一十
五斤一十四兩四錢
合江縣圖經志田一萬七千畝秋糧正耗米一千四百一十八石有零

永樂官民田地塘七百一十頃一十八畝二分。夏稅 小麥七十六石七斗七升八合六勺。絲六百一十二斤九兩六錢二分。秋糧 米五千三百一十石六斗八升二合二勺四撮。綿花一百九十一斤一十三兩二錢。片麻三百八十三斤一十兩四錢。

土產

本州圖經志謹按方輿勝覽云瀘州出產荔枝并茶荔枝稍有存者考諸茶乃永寧夷蠻所出去州三百餘里瀘所產者無非稻穀綿花常物耳五穀宜稻不宜黍稷其田硤薄皆山溝之間不堪堤堰風雨調則豐亢陽則饑俗名爲雷鳴田言雷鳴而得水也綿花民依山之高阜者畛而種焉業勤紡織雖粗不細而民實賴資焉荔枝州南十里稍存其樹葉青圓而冬不脫二三月花五月紅熟肉薄味淡案字記 大黃 杏仁 斑布 花竹簞 方輿勝覽鹽井華陽國志土地雖迫山川特美鹽井魚池一郡豐沃瀘茶茶經云瀘州之茶樹夷獠常携數穴其側每登樹採摘茶必合於口中待其展然後置數中旋塞其竅歸必置於腹處故味極佳荔枝林南過瀘川詩憶過瀘戎摘荔枝青楓隱映石邊遠軍中舊見君顏色紅顏酸甜只自知元一統志鹽有二宋熙寧八年瀘南夷人獻納長寧軍十州

土地隸清井。清井州南二百六十里。煎鹽南井。去州七十里。井竈在萬山之境。深入五十八丈。有奇。五代以前。科丁夫充役。後以刑徒推車汲水。煎煎甚苦。寶祐元年。知州事桑愈。改以牛具推車取水。立石鐫碑。元至元十二年。行樞密院下本州經理煎辦。十三年。王世昌竊亂。以木石築寨十五年。定蜀四川轉運司。下本州興工開濶。自十八年為始。歲認課額一十二萬斤。十九年為始。起辦虧額。二十年四月罷之。

江安縣 圖經志 土產大畧與瀘州同。
納溪縣 圖經志 山地瘠。居民不過耕稼。所歛亦薄。餘無所產。

合江縣 圖經志 桑麻綿花麥稻常產之物。餘無所有。

土貢

本州九域志葛一十疋

山川

山 圖經志 寶山瀘州之負郭山也。當州之右。高平聳閣。延袤數里。每春人踏青於其上。以為眺觀之所。昔諸葛亮駐營於此。山上有武侯廟。今存遺蹟。方輿勝覽在瀘州城南。初名堡子山。為巡檢廨。陳公損之移廨山西。建堂其上。袁公詵奏名其堂曰江山平遠。易堡子為寶山。皆大書揭之。下瞰

城郭萬瓦鱗集兩江合流郡國志一名瀘峯山高三十丈地多瘴三四月渡之必死唯五月上旬渡之即無害故諸葛亮云五月渡瀘即今之寶山李壘西山堂記云以常璩華陽國志及辛怡顯雲南錄攷之乃在越嵩之地明甚非瀘之寶山元一統志諸山拱揖真勝絕也今碑字猶存又有西山堂相傳寶山即古之瀘峯李壘字季允作西山堂記以辨其非是下有木龍岩山谷黃庭堅所名方山瀘州之西南山也去州二十里青翠聳拔高方而平因名方山山有八面前二面之麓有二尖峯周圍巖峯共九十九頂山下有魏曹操廟通志地紀勝舊志載唐天寶改爲回峯山其山八面望之面面相朝於羣山中最高山根滂江江上有魏武帝廟華陽國志云方山之下有方山神又圖經祠廟門云去瀘川縣八十里不同然江安縣亦有方山上有天地下有神祠恐圖經指江安縣之方山也宋討乞弟陰雨踰月神宗皇帝封香禱馬有應遂賜廟號華陽山在瀘州方山之支山也在方山之東五里尖而且秀與方山對峙南壽山在瀘州形勢高峻岩壑秀異當州之南故名南壽山通志地紀勝在樂共城西南三十五里名博望寨山高且秀晏英平定守臣繪圖以進上意悅之賜名南壽又名御愛其林木有禁不採安樂山距瀘州東北五十里秀矗三峯形如

筆架崗如馬鬣懸崖峭壁相傳。隋有劉真人脩鍊於其上。丹成而仙。今丹
竈之所。土色米紅。在合江縣西五里。其山三峯凸出。四面皆峭壁。俗名筆架
山。有紫象在山之下。歲旱祈禱有應。其山俱書有溪及延真觀。有石櫃為
仙人藏經之所。峻而左有爛柯跡。後有仙人影。隱隱在石壁中。峻而右歷
木楠臺。仙人屋十二。盤至剪盡荒墳。山有八洞通南巖。有石曰許由瓢。又
有芙蓉城。滴水崖。白猿洞。此三峯之景也。任從遊安樂山。詩安樂。注上峯。
萬家森翠羽。孤村切天心。橫拓壓坤股。氣勢西吞夷。先芒南定楚。雲泉出
石竇。淋漓灑玉宇。烟蘿纏林梢。搖曳垂翠組。山有天符葉。一夕大風雨。拔
去復得於谷子山。如嘉枝葉而長有紋。如蟲蝕。宛如蟲篆。或以為劉真人
仙蹟。蘇子瞻詩。天師化去知何日。玉印相傳世共珍。故國少孫今尚在。滿
山秋葉豈能神。元一觀志。雲字記云。有瀑布千尺飛流。天寶六載。改高台
江山。范子長郡邑志云。始劉真人珍卜居此山中。曰焚道平。蓋氣歇而不
清。江安方山氣濁而不秀。成山而又清秀。惟安樂山耳。遂定居焉。水源發
甘虎豹眼後。見山谷黃庭堅題行。鍾山在江安縣南五里。峻拔峭險。圓
如鍾形。名曰鍾秀。拔旗山在納溪縣城東北三里。相傳諸葛亮整旗於
此。山因名焉。丁山在合江縣西南五十里。其山峯狀如筆形。因名丁山。

容山在合江縣東一十五里。其形如屏。西時樹木蒼翠不改。因名容山。元一統志瑞鹿山在瀘州城南門外二里。周保定五年道士尹希岩開山。有白鹿來往山中。因以瑞鹿名山。鏡子山。王象之輿地紀勝云。在江安縣南五里。又名照山。一峯中峙。兩峯旁翼。二溪交派。大溪中出峯之脅。小溪出中峯之腹。葱蒨秀鬱。庵廬梵室。金碧交晃。旁有二潭。曰馬影。曰雲施。為龍所居。旱禱輒應。山有眠雲石。襲淵橋。玳瑁岩。磨鍊溪。清秀為一邑勝遊之地。今皆蕪蕪焉。輿地紀勝三華山。自瀘州朝天門下一里許。遠山聯絡。朝郡治之後。不知其所以名。瀘峰山。郡國志云。在瀘州瀘津關。有瀘峯高三十丈。地多瘴。三四月渡之必死。唯五月上旬渡之。即無害。故諸葛亮以五月渡瀘。相傳以為即今之寶山。而李臺西山堂記云。以常璩華陽國志。及辛怡顯雲南錄攷之。乃在越雋之地。明甚。非瀘之寶山也。丁公山在瀘州安樂溪之左。高踰千仞。舟行數百里。隱隱煙雲間。上有蕭齊碑。磨滅難攷。銅鼓山在瀘州少遠寨側。小龜山距江安縣百里。嘗即其地置樂共城。方興築時。因取石有小龜金紋。俗因呼為小龜山。自其距登三絕頂。又有二山。名大連天。小連天。龍雲山在江安縣北六十里。南岩在瀘州南山之隈。西岩在瀘州汶江西。郡縣志照山在江安縣南五里。亦

縣之勝處。樂共城山在江安縣。名小龜山。又有二山。名大連。吞小連天。皆城之藩蔽。方輿勝覽大連天小連天山。在江安縣百里外。樂共城之側。

江太平寰宇記瀘江在瀘州。按郡國志。瀘江水中有大關焉。季春三月。則黃龍堆沒。關即平。黃龍堆者。昔尹吉甫子伯奇至孝。後母譖之。自投江中。衣苔帶藻。忽夢見水仙。賜其美樂。揚聲悲歌。船人學之。吉甫聞船人之聲。疑似伯奇。援琴作子安之操。在此。方輿勝覽按辛怡顯雲南錄。及唐書

志。姚州雲南郡下有瀘南縣。則瀘水當在姚州。李真西山堂記云。郡得名為瀘者。蓋始因梁大同中。嘗徙治馬湖江口。置瀘州。蓋馬湖即瀘水下流。因遠取水以名州。汶江在瀘州。漢書地理志云。汶江出徼外。從江安縣西南入縣界。東流入合江縣界。與地紀勝在瀘州。出岷山順流而下。東南過捷為數縣境。又曰汶江。蘇代所謂蜀地之甲。浮船于汶。乘夏水而下者也。圖經云。東流入合江縣界。思晏江在江安縣。從晏州流下合流至綿水。郡縣志內江在瀘州一名支江。自富順監界來經安夷鎮。至州城北。凡一百六十里入汶江。鄭道元云。綿水西出綿竹縣。東經資中。又經漢安縣。至江陽縣方山下入江。謂之綿水口。即此水也。云方山下未詳。或云以瀘州山之大者為言也。岷江在瀘州江安縣西南入縣界。東流入合江。

方輿勝覽中江在瀘州一名綿水經瀘川縣北三里出楚金與地紀勝在瀘州元和縣志云亦曰綿水經瀘川縣北三里出楚金汶江在瀘州出

岷山東流入合江縣界元一統志大江在瀘州西來橫州治之東中江達州治之北二水合流於治之東北而下大江自叙州南溪縣入界中江出雄昌山歷簡資富順以至州治之北與大江合張昭云江陽爲江雒之會是也消溪在江安縣南來自長寧界而合大江並東下接重慶路江津縣界支江在瀘州城北自富順州界鴛鴦溪合流下經安夷鎮至州北一百六十里入汶江其色赤今與江合流處有涇渭之判焉鄭道元所謂綿水西出綿竹縣東經資中即此水也又赤水溪從昌州昌元縣界流入去合支江悅州江在江安縣從戎州部落悅州流下江安縣合入大江

水元一統志綿水在瀘州舊經與九域志云自長寧軍派至江安縣一百五十步與汶水合江安古有綿水縣今爲綿水鄉王象之輿地紀勝云當時去綿水必近也水經謂綿水出梓潼經資中至江陽入江即內江也與此不同故兩存之王象之引元和志云中江水亦曰綿水經瀘川縣北三里出楚金思晏江水從晏州流下合流至綿水清水圖經志在江安縣其源出自長寧縣北逾安寧縣復武伯餘里至縣城西達于江漢輿地

紀勝赤溪在瀘州。從昌州昌元縣界流入至赤水鎮合支江。納溪寰宇記在瀘州。源從牂牁生獠界。流來入汶江。元一統志源有三。並來自阿水。蠻界徽外至熟夷阿乞族合名三會水。徑至納溪縣治之下西門。與大江合於縣之東門。王象之輿地紀勝云。自永寧部至江門寨。有橫石中流。涉水如門。故謂之江門。東入納溪寨。以合于大江。東溪在合江縣。從牂牁生獠界。流來八十里。與汶江水合。夜郎溪圖經志在瀘州。其源自滇北。經永寧漁槽三伯餘里。北達于江。亦名納溪。其溪淺陋多石。凡遇雨剝疾湍湧。艱于舟楫。自江口至溪源。有三伯六十灘之名。之溪在合江縣。原出播南三百餘里。至縣西南曲流三折。狀如之字。因名之溪。安樂溪郡縣志在合江縣。上流二脉。一曰大溪。一曰小溪。發源從生夷界。來過綏遠仁懷安谿寨。二谿合流。由安樂山下會於江。元一統志來自合江縣。南上接夷界。至縣北入于江。又安樂小溪來自東上接戎叙州界。合大溪至縣東北入于江。鄧綰今此邑時。其詩引曰。安樂溪自合江縣西南山流入于江。源遠莫測。其所從。其深廣可容大舟。其平如鋪。其色紺碧如玉。其勢回環宛轉。若有所避。不忍遽棄山而匯於江也。溪上多喬木。溪人莫得其名。藤蘿栢竹。禽鳥花卉。四時無不可樂。故名之曰安樂溪。瀕圖經志旗幟。

在瀘州西十里。江岸有巨石崩橫切江心。狀如旗形者三。俗呼爲旗三灘。淫灘在瀘之西十里。其灘兩岸絕壁。下流有一石磧。流水洩急。相傳諸葛武侯射壘之地。俗名爲射箭灘。與地紀勝在江安縣南三十里。灘上有山刺天。瀑布飛下。側有卧石。父老傳爲武侯誓壘之地。馬鬃灘在瀘州東十里。水流派於積石上。狀如馬鬃。因名之。與地紀勝酒甕灘在瀘州。凡舟自大江而下者至此無所已。唯夏漲由納溪渡至石側。乃爲白崖所衝。舟人畏之。及水低岸遠。則巨石特立。圓腹脰底。危然一甕焉。龍蟠灘自瀘州東去五十里。水交清亂石之下者。曰龍蟠灘。舟人戒焉。井九志清井在瀘州西南二百六十三里。與地紀勝鹽井在瀘州南井鹽歲計四十一萬斤。陀魯井歲計二萬八千斤。池江陽諸荷池在瀘州阜民堂前。上架石橋。以達于壯猷堂。紹興三十二年。晁公公武築室其上。榜曰野航室。今廢。晁公賦詩云。平地積潦漲輕痕。宛若扁舟繫水濱。斷岸纔盈六七尺。低蓬恰受兩三人。巡簷悅目蒲蓮秀。隱几忘機鴈鷺馴。坐閱江湖好風景。不愁清瀬闊無津。放生池在瀘州即大江東北爲之。各去城五里。紹興十三年。準令置。元一統志天池在江安縣西十二里方山上。四圍皆十餘丈。旱澇水無盈縮。遇旱有禱即雨。

宮室

樓江陽諸南定樓在瀘州芙蓉橋後羅城上舊爲水雲亭紹興三十二年
晁公武改建此樓取諸葛孔明建安五年出師表語爲名自爲之記壁
左右有李贊皇諸葛忠武像及南蠻西夷地圖其雄壯尤爲一郡勝廣袤
八丈有奇面臨資江簷廡高明庭宇爽塏凡帥守會僚屬將佐商略軍務
多在是右司范公仲藝書額晁公詩云水接荆門陸控秦卧龍陳迹久尤
新劍關驛外青山舊錦里祠邊碧草春更築飛樓瞰瀘水擬將遺恨問洪
鈞南方已定雖饒富北望中原正慘神梁公介詩云堂堂百尺樓製作極
華麗山園與水遠秀色相嫵媚上無狐鼠窺下有魚龍畏賓友升清虛夷
落聳瞻視南陸粗安堵北鄙方舉燧倚樓獨何爲尚下憂國淚侍郎李公
熹賦云帝有熊之苗裔兮課蟬蛻於城陽溯凱風而浮游兮爰揭汚而蹈
裏念莫足與爲美政兮乃退耕而俟時或三顧以咨當世之務兮翻然遂
許其驅馳奉命於危難之際兮一言而鼎足之勢成公安狼跋不可以久
留兮巫沂江而西征兼弱攻昧古所貴兮矧吾謀之嘉定於信義其何傷
兮庶幾漢後世之復興維蜀則二祖之關河兮先固基本足食與兵寧崎
嶇巖阻之恃兮指日還都于舊京既蕩平乎山南兮亦漢屬乎樊北涼州

若可以指呼者。許下業業。其將按吾素定之謀者。若盤走丸而弗出矣。孰啓蒙遜之既心者。彼天公真不仁。雖雲長之仇。不可不報者。載計輕重。盡始置此而專圖秦。嗟夫。此行莫能屈者。更撓敗乎。東隣究洛進取之途。繇此遂改轍者。跨有二方。遽棄其一。遭大喪而內外晏如者。賴忠正以勿失。吾宜湏臾忘漢賊者。又懼南鄰之侵。閉關息民。亦已久矣。顧獨試諸小蠻夷。函養集逆。莫詰問者。至死三載。眇出師視。初謀愈落落難合者。諒非得已。而至于斯。吾因斯知帝王之窮荒勸遠者。適足貽後世子孫之憂。越蘭津爲他人者。當時固已厭苦其煩勞。豈無攻心之上策者。頃刃挫銳。亦深入乎不毛。渡瀘水。臨滇池者。併日而食。則他可知也。收資財以給軍國者。殆蘭賸之虛辭。間一歲乃出祁山者。弔民代罪。公來獨何遲也。儻無所事於東與南者。舉全力而加諸當逆。漢賊斯蒲伏而授首者。王業詎偏安於蜀都。攻益州之疲弊者。訖莫遂其良圖。慨東隅之得失者。疇克收此桑榆抑天之所壞。不可支。故使至此極者。植疆起仆。盡吾意之區區。揆厥所元終。都攸卒者。孔明之於昭烈。蓋無言不酬矣。又何負乎。亂日高樓。歸然壓繩。若者。俯仰千載。懷諸葛者。德如伊周。過管樂者。孰云所長。非將略者。變故橫發。巧言奪者。倉卒應酬。不踰路者。本志先定。惟北伐者。回兵南討。

路紆曲兮言旋言歸。覽休息兮。祁山之役。取後出兮。魏人聞此。猶震疊兮。劉及當時用全力兮。摧枯拉朽。彼固弗敵兮。事不如意。八九且十兮。然亦何憾。孽匪自作兮。自茲已來。可惜兮。微外蠻夷。今畢服兮。不復弄兵。暨邛木兮。偃旗卧鼓。不煩一戰兮。我獨北望。傷宛洛兮。極目千里。氣甚惡兮。沈吟遺章。涕零落兮。攘除興復。將焉託兮。登茲銷憂。聊假日兮。郡人朱孝友。賦云。惟瀘之北。二水互繫。上有岑樓。突兀新出。雲霞來舞。日月下覲。向斤斧之未聲。憶有孤亭翼然。冠之江山。呼而不回。萬景領而相逮。胡此樓之乍架。紛戰戰以來。歸吾聞。綆長可得。深井之水。思長可得。古人之意。不誠而子弟功忽。念之深者。或變色於天地。今此樓高。而抱千載之想。宜物色之吾媚。非昔叛而今安。蓋感于中者異矣。方漢鹿之逸去。慨羣雄之競逐。吟則梁父有賊。含毒。懿隆中之暇日。思赤子之血肉。若夫孟德眼中芒刺。吳蜀孔明胃中一家。南北發火。德而未熾。何當藝而不熟。雖然。治外必由內肅。服遠將自近始。小盜窺戶而不剪。奚大盜之時。斃劍則遂於孟獲。志本趨於曹氏。書望中原。遼乎邈哉。夜從枕上而屢至。馬一日以南牧。即揚旌而北指。臨岐發疏。剖肺腑兮。淚汪汪而落紙。雖鼎峙之國。署為狹兮。而此心之闊。尚彌乎八荒之外。嗟乎。以義燭世。賢否了。

然以古燭今。君子見前孔明義槩。欲見不可。元帥晁侯。是亦龍卧亮心乎。中原侯心乎孔明。時不同而意同。思正乾坤兩賢一盟。當玉帳之間暇。侯舉酒以時歡。斜日上乎層欄。風弄袖而獨立。蓋如見燕代於戶牖。從萬里之羈執。樓曾何知。但臨水岌岌而已。陸游南定樓詩。行遍梁州到益州。今年又作渡瀘遊。江山重複爭共眼。風雨縱橫亂入樓。晚對樓在南定。樓之右羅城上。乾道梁公介建。取杜詩坐對秦山晚之句爲名。會江樓瀘爲治。据岷江之西。內江之南。二水合流。徑趨共會。凡樓船上下風者。皆蟻馬郡之通達門外五十步。有亭曰瀘江。以爲過客登岸盤礴之所。創于梁公介。再創于虞公煥。葺于曹公叔達。廣立三門。其體雖具。然歷歲未久。漸覺荒涼。帥守尚書楊公汝明。從而更葺之。揭樓居以冠其首。橫袤六丈。崇二十有餘尺。欄檻簷宇。繪畫彩飾。煥然一新。始稱大國侯館堂氣象。下瞰江步。波光渺渺。一目無際。達人貴游。傑商鉅賈。漁人舟子。連艘御舫。悉湊其下。於是宇其館曰江陽堂。曰卧龍樓。曰會江。取二水交流之義。舟行有所憩。客至有所館。祖餞行人有所寓。講行遊樂有所止。瀘之爲館者。凡五。曰皇華。曰通津。曰留春。曰騎驄。未若此館之爲宏且麗也。是役也。費縑九百有奇。瀘川宰陳南金實董之。擁翠樓在瀘州雅歌堂之上。李公

煮詩引謂春畦甘菊。今猶青葉。移梅擁翠樓下。忽已着花。戲成長句云。淳熙元年九月尾。菊未落。英梅破葉。從來兩美難必合。今忽得此一笑。喜入言地。瘴物失時。進忌太蚤。退苦遲。老夫亦豈不自覺。姑與飲酒。仍賦詩。思今芳草直爲艾。封殖嘉樹寧少待。夕餐九華可無元。却期老歲於吾子。鎮遠樓在瀘州。即整暇堂舊址。李公寅仲既移堂於錦堂東偏。遂即此地建樓。高揖衆山。氣象雄偉。公自爲記云。余之爲此。豈固欲快一時登臨之樂。目視霄漢。嘯歌娛燕者哉。事常伏於隱微。及其微而圖之。斯可折衝轉張。而厭難於無形也。賴閣成堂。內屬之氣。歲踵故事。設青受令。遠邇不集。僕潛於燕安。而謂鴛鴦之可懷。忽野蔓之時毒。雖欲樂此得乎。吾將以鎮遠名樓。未敢從事於遊者也。且雖甲兵訓士。固爲運備之常。然古今邊患。多起於貪吏之侵牟。視小利而生釁。以致邊徼生靈之不可樂者。故曰不給細得。終累大德。况承方面之寄。而以是臨之哉。亭江陽諧瀘江亭。在瀘州通海門外五十步。爲過客艤船迎餞之地。乾道八年。帥梁公介撤茅爲瓦。附城面江。高明爽塏。榜曰江亭。公自爲之記。曰。瀘治大江之北。士大夫往來乘舟者十八九。乾道元年。予被命造朝。艤舟江上。時暑方作。升客亭而憩焉。庠陋湫隘。不可容足。私竊苦之。後六年來牧此邦。謁客於亭上。視其